



CONSULTA PÚBLICA PREVIA O PROCEDEMENTO DE APROBACIÓN BORRADOR DO REGULAMENTO MUNICIPAL DE FUNCIONAMENTO E PARTICIPACIÓN NAS ACTIVIDADES INFANTÍS ORGANIZADAS POLOS SERVIZOS SOCIAIS DO CONCELLO DE CEE EXPEDIENTE Nº 2026/G013/000003

NORMATIVA

Dispónse incoar procedemento para a aprobación do Regulamento Municipal de Funcionamento e participación nas actividades infantís organizadas polos Servizos Sociais do Concello de Cee, de conformidade co previsto na Lei 39/2015, do 1 de outubro, do Procedemento Administrativo Común das Administracións Públicas. A citada Lei 39/2015 regula no seu artigo 133 o exercicio do dereito da cidadanía para participar no procedemento de elaboración de normas con rango de Lei e regulamentos, e establece no seu punto 1 que con carácter previo á elaboración do proxecto ou anteproxecto de lei, Ordenanza ou de regulamento, substanciarase unha consulta pública, a través do portal web/Sede da Administración competente na que se solicitará a opinión dos suxeitos e das organizacións máis representativas potencialmente afectados pola futura norma, acerca de:

- a) Os problemas que se pretenden solucionar coa iniciativa.
- b) A necesidade e oportunidade da súa aprobación.
- c) Os obxectivos da norma.
- d) As posibles solucións alternativas regulatorias e non regulatorias.

En cumprimento do punto 1 do Art. 133 da Lei 39/2015, expónse:

CONSULTA PÚBLICA PREVIA:

a) Problemas que se pretenden solucionar coa iniciativa:

O Concello de Cee, no exercicio da súa autonomía local recoñecida constitucionalmente e no marco das competencias que lle atribúe a normativa vixente en materia de servizos sociais, promove de forma continuada actividades dirixidas á infancia e á adolescencia co obxectivo de favorecer o desenvolvemento integral dos menores, a igualdade de oportunidades, a conciliación da vida familiar e laboral e a promoción de hábitos saudables de convivencia e participación social.

Estas actividades constitúen unha ferramenta esencial dentro das políticas públicas municipais de benestar social, ao tempo que supoñen un recurso de apoio ás familias do municipio, especialmente naqueles períodos nos que a organización da vida laboral e familiar require alternativas seguras, educativas e de lecer para os menores.

b) Necesidade e oportunidade da súa aprobación.

O presente regulamento ten por finalidade regular de maneira integral o funcionamento e as condicións de participación nas actividades infantís organizadas polos Servizos Sociais do Concello de Cee no marco das competencias propias municipais en materia de servizos sociais comunitarios básicos e específicos.



Concello de Cee

Rúa Domingo Antonio de Andrade, s/nº
15270 CEE (A Coruña)
CIF: P1502300E
Teléfono: 981 745 100
Fax: 981 746 757
correo@cee.gal
www.cee.gal

Este marco normativo establece os requisitos de acceso, o procedemento administrativo de inscrición, os criterios de adxudicación de prazas, así como o réxime de funcionamento, convivencia e participación dos menores nas actividades municipais.

c) **Obxectivos da norma.**

As disposicións contidas neste regulamento serán de aplicación a todas as actividades de carácter educativo, social, cultural, deportivo ou recreativo dirixidas a menores de idade que sexan organizadas, xestionadas ou promovidas polos Servizos Sociais do Concello de Cee ou cando así o estableza expresamente a correspondente convocatoria.

Quedan incluídas aquelas actividades que, por razón da súa natureza ou finalidade, teñan como obxectivo principal o desenvolvemento persoal, social ou educativo da infancia e adolescencia.

d) **Posibles solucións alternativas regulatorias e non regulatorias.**

Non se contempla outra opción. A seguridade xurídica ha de verse garantida desde o nivel regulatorio dun Regulamento para dar resposta á situación actual.

Os cidadáns/as e organizacións máis representativas que se consideren afectados potencialmente pola ordenanza, poderán facer chegar as súas opinións sobre as condicións referidas anteriormente, nun prazo de **20 días** a partir da data de publicación desta consulta na Web/Sede do Concello de Cee, a través do do Rexistro Xeral ou da Sede electrónica do Concello de Cee.

Asinado na data da firma electrónica.

Alcaldesa do Concello de Cee:

D^a Margarita Lamela Louzán.